

# UTUSAN SARAWAK (SELASA, 14/4/2009) P.2

## Pameran produk pelajar tahun akhir UNIMAS

*18 Selasa 14/4/09 P.2*

KOTA SAMARAHAN, Isnin - Pameran Cetusan Inspirasi Pelajar Tahun Akhir(CIPTA) 2009 diadakan mulai 13 hingga 19 April ini bertempat di Galeri Utama, Fakulti Seni Gunaan dan Kreatif (FSGK), Kampus Barat Universiti Malaysia Sarawak(UNIMAS).

Pameran CIPTA 2009 merupakan pameran tahunan pelajar tahun akhir dan salah satu kewajipan bagi pelajar tahun akhir selain daripada penyelidikan projek tahun akhir.

Semua jabatan yang terdapat di Fakulti Seni Gunaan dan Kreatif(FSGK) akan terlibat untuk memamerkan hasil karya dan produk pelajar tahun akhir sesi 2008/2009

Seperti tahun sebelumnya, pameran CIPTA dikun-

jungi pelajar sekolah, kolej, institut pengajian tinggi, dan agensi berkaitan serta penggiat, peminat, pemerhati dan pengkritik seni.

Pameran yang berlangsung selama enam hari itu akan menyediakan banyak aktiviti menarik termasuk demo fotografi dan seramik, konsert muzik, tayangan video, demo silk printing dan batik.

Pameran itu diharap dapat memberi pendedahan kepada pelajar berkaitan kerja-kerja pengurusan dan penganjuran pameran yang kreatif, inovatif dan berteknologi.

Pameran CIPTA juga menjadi landasan untuk mengetengahkan hasil karya, ciptaan, rekaan dari penyelidikan yang bersifat kreatif, inovatif dan berteknologi kepada peminat seni.